

Šipovo- Svečano otvorena džamija Ostvario se san i želja Šipovljana

Šipovačka džamija, od strane četni-ka srušena 8. augusta 1992. godine, nakon tri godine obnavljana, svečano otvorena 17. jula 2005. godine. Otvo- renju prisustvovali najviši predstavnici Islamske zajednice na čelu sa reisu-l-ulemom dr. Mustafom ef. Cerićem. Džamiju otvorio vakif Asim Hamidović

OTVORENJE DŽAMIJE U ŠIPOVU, KOJE JE BILO 17. jula 2005. godine, pobudilo je veliko zanimanje džematlija, posebno sa područja Jajca, te susjednih općina D. Vakufa, G. Vakufa, Bugojna, Travnika itd. Ovoj svečanosti prisustvovali su i najviši predstavnici Islamske zajednice, na čelu sa reisu-l-ulemom dr. Mustafom ef. Cerićem, muftijom travničkim mr. Nusret ef. Abdibegovićem, generalnim sekretarom Rijaset-a Muhamed ef. Salkićem, direktorom Travničke medrese Muharem ef. Dautovićem. Tu su bili i glavni imami sa područja susjednih medžlisa, kao i svi jajački imami. Na svečanosti su bili i predstavnici drugih vjerskih zajednica. Srpsku pravoslavnu crkvu predstavljao je protojerej stavrofor Rade Savić, a katoličku gvardijan fra Ilija Stipić.

Drštvenu zajednicu su predstavljali: načelnik općine Šipovo Milorad Ćirko, sa saradnicima, načelnici susjednih općina, predstavnici Federalnog ministarstva za izbjegla i raseljena lica, premijer Srednjo-bosanskog kantona i drugi.

Imam džemata u Šipovu Sadik ef. Đula-bić je visokim gostima i svim prisutnim iskazao dobrodošlicu, a potom je rekao:» Kada sam 2003. godine imenovan za imama u Šipovu, nisam mogao ni sanjati da ću biti ovako prihvaćen, te da ću doživjeti ovakvu privilegiju današnjeg dana. Te godine sam u Šipovu zatekao 600 Bošnjaka, kojima je pored materijalne podrške trebala i duhovna pomoć. Uz tu pomoć, njima sam nudio riječi utjehe i nade. Ta nada je hvala Bogu danas ostvarena. Srećan sam što djelujem u ovakvoj sredini i tu radost dijelim i sa 45 mojih učenika koji pohađaju mektebsku nastavu. Današnji dolazak u Šipovo reisu-l-uleme dr. Mustafe ef. Cerića i njegovih saradnika razumijem kao podršku meni i mojim džematlijama, te odavanje priznanja i mojim prethodnim kolegama, imamu u penziji Muharemu ef. Poturoviću i rahmetli Ademu ef. Kršiću.»

Na otvo-renju džamije džematlijama uputio čestitku i načelnik općine Šipovo Milorad Ćirko, koji je izrazio zadovoljstvo što prilikom njene iz-

je u Šipovu iskazao je i Mahmud Jusuf, predsjednik « Crvenog polumjeseca Ujedinjenih Arapskih Emirata», koji je kazao da mu je drago da je njenu izgradnju (finansirali izgradnju munare) pomogla organizacija na čijem čelu se nalazi, kao i narod Ujedinjenih Arapskih Emirata.

Na području Medžlisa Jajce do sada obnovljeno 15 džamija

Glavni imam Medžlisa IZ Jajce Ramiz ef. Bećirović se pridružio čestitkama

svojih prethodnika, koje su uputili Šipovljanima na izgradnju džamije, koju je izvela firma « Trišnik» iz Jajca, a potom je naglasio:» Do sada smo uspjeli obnoviti 15 džamija, 6 mesdžida, 25 mektebskih prostorija, 8 imamskih stanova i kuću za kancelarije mekteba. U fazi obnove je 6 džamija, jedan mesdžid i dva mekteba. Na svim džamijama, mesdžidima i mektebima radovi su tekli i teku prema predviđenom planu, a negdje čak i brže i bolje nego što smo očekivali.»

Muftija travnički mr. Nusret ef. Abdibegović je kazao da se ostvario san i želja Šipovljana da imaju svoju džamiju. On je dodao:» Dobro je da je san dosanjan a želja ispunjena, jer ima želja i snova koji se nikada ne ispune. Oni koji su imali i san i želju i nadu da u Šipovu ne bude ni džamije ni Bošnjaka, izgubili su danas tu svoju želju i nadu. Džamije će biti, Bošnjaka će biti, pa neka bude i slobode i Šipovu. Ovaj današnji dan je izraz zajedničke slobode. Posebno sam zahvalan načelniku općine Šipovo što je danas s nama. Ja preuzimam brigu o Srbima u Travniku, a on neka preuzme brigu o Bošnjacima u Šipovu», nagla-



» Asim Hamidović otvorio džamiju

» U Šipovu ponovo džamija

sio je muftija Abdibegović.

Reisu-l-ulema dr. Mustafa ef. Cerić uz ostalo je istakao:» Mi Bošnjaci trebamo biti ponosni, jer smo u Bosni sačuvali svoju dušu i obraz. Teško nam je zbog svih žrtava i patnji kroz koje smo prošli, ali sad nam je lakše jer imamo moralnu snagu, moralno zadovoljstvo i osjećanje. Nadam se da ćete iz ove džamije, čiju izgradnju je finansi-